


უვიზო მიმოსვლით სარგებლობის წესები

გილოცავთ! 28-მარტიდან საქართველოს მოქალაქეებისთვის შენგენის წევრ ქვეყნებში უვიზო მიმოსვლა ამოქმედდა. IDFI-ის მიერ მომზადებული ვიზუალიზაცია ნათლად ასახავს უვიზო მიმოსვლით სარგებლობის წესებს.



ღია და გამჭვირვალე მმართველობის მუდმივმოქმედი საპარლამენტო საბჭოს და საკონსულტაციო ჯგუფის შეხვედრა



2017 წლის 14 მარტს, IDFI-ის ორგანიზებით გაიმართა ღია და გამჭვირვალე მმართველობის მუდმივმოქმედი საპარლამენტო საბჭოს და საბჭოსთან არსებული საკონსულტაციო ჯგუფის შეხვედრა, რომლის მიზანიც იყო საქართველოს საპარლამენტო ღიაობის 2017-2018 წლების სამოქმედო გეგმის ვალდებულებებთან დაკავშირებით წარმოდგენილი რეკომენდაციების განხილვა. შეხვედრას ესწრებოდნენ საპარლამენტო საბჭოს წევრი პარლამენტის წევრები, პარლამენტის აპარატის, სამოქალაქო საზოგადოებისა და საერთაშორისო ორგანიზაციების წარმომადგენლები.



**საქართველოს რეგიონული
განვითარებისა და
ინფრასტრუქტურის სამინისტროს
გამჭვირვალობისა და
კეთილსინდისიერების ამაღლების
სტრატეგიის და სამოქმედო გეგმის
პროექტის საჯარო განხილვა**



21 მარტს, IDFI-მ საქართველოს რეგიონული განვითარებისა და ინფრასტრუქტურის სამინისტროსთან ერთად გამართა “საქართველოს რეგიონული განვითარებისა და ინფრასტრუქტურის სამინისტროს გამჭვირვალობისა და კეთილსინდისიერების ამაღლების სტრატეგიის და სამოქმედო გეგმის საჯარო განხილვა”.

დისკუსიის მიზანი იყო ადგილობრივი და საერთაშორისო ორგანიზაციების წარმომადგენლებისთვის სტრატეგიის პროექტის წარდგენა და მათი შეფასებების და რეკომენდაციების მიღება.

**მრავალშვილიანი ოჯახების
დახმარების პოლიტიკა
საქართველოში**



პოლიტიკის ნარკვევის მიზანია საქართველოში დემოგრაფიული პრობლემების მოგვარების მიზნით სახელმწიფოს მიერ განხორციელებული ღონისძიებების შესწავლა და საუკეთესო ევროპული პრაქტიკის გათვალისწინებით, საქართველოში ოჯახის მხარდაჭერის პოლიტიკის გაუმჯობესებისთვის რეკომენდაციების შემუშავება.

**ევროპის ინფორმაციის
თავისუფლების კომისიონერთა და
ომბუდსმენტა მიმართვა**

მიმდინარე წლის 23-24 თებერვალს, ბერლინში გამართულ საერთაშორისო კონფერენციაზე ევროპის ქვეყნების ინფორმაციის თავისუფლების კომისიონერთა და ომბუდსმენტა მიერ ხელმოწერილ იქნა ერთობლივი რეზოლუცია. კომისიონერები და ომბუდსმენტები მოუწოდებენ ევროპის მთავრობებს, დაიცვან ინფორმაციის თავისუფლება და გააძლიერონ ინფორმაციის კომისიონერთა და ომბუდსმენტა როლი საკუთარ სახელმწიფოებში.

რეზოლუციაში აღნიშნულია, რომ ინფორმაციის თავისუფლების კომისიონერთა ინსტიტუტი

შექმნილია და მოქმედებს ევროპის მრავალ ქვეყანაში. მათი როლი უმნიშვნელოვანესია სახელმწიფოებში ინფორმაციის თავისუფლების განმტკიცებისა და დაცვისთვის.

IDFI-ის რეკომენდაციები 2017-2018 წლების ანტიკორუფციულ სამოქმედო გეგმაზე



„ინფორმაციის თავისუფლების განვითარების ინსტიტუტმა“ (IDFI) ანტიკორუფციული საბჭოს სამდივნოს წარუდგინა მოსაზრებები და რეკომენდაციები ახალ, 2017-2018 წლების ანტიკორუფციული სამოქმედო გეგმის სამუშაო ვერსიაზე.

IDFI მიიჩნევს, რომ დოკუმენტში ასახული შენიშვნებისა და რეკომენდაციების გათვალისწინება ხელს შეუწყობს მომავალში მონიტორინგის პროცესს, დოკუმენტს შესაბამისობაში მოიყვანს საერთაშორისო ვალდებულებებთან, მარტივად დაფარავს ახალ, აქტუალურ საკითხებს და ანტიკორუფციული საბჭოს მუშაობას გახდის კიდევ უფრო ინკლუზიურს.

იუსტიციის სამინისტრო აღნიშნული დოკუმენტების ანტიკორუფციული საბჭოსთვის წარდგენას 2017 წლის აპრილში გეგმავს.

სტრატეგიული დოკუმენტების მონონების შემთხვევაში, ისინი საბჭოს სხდომაზე დამტკიცდება, ხოლო ძალაში მთავრობის დადგენილებით შევა.

გამოხატვის თავისუფლებისა და პირადი ცხოვრების ხელშეუხებლობის დაცვის გლობალური პრინციპები

IDFI გთავაზობთ დიდ ბრიტანეთში დარეგისტრირებული ორგანიზაციის „მე-19 მუხლის“ (Article 19) მიერ გამოქვეყნებულ დოკუმენტს - „გამოხატვის თავისუფლებისა და პირადი ცხოვრების ხელშეუხებლობის დაცვის

დოკუმენტში ჩამოყალიბებულია გამოხატვის თავისუფლებისა და პირადი ცხოვრების ხელშეუხებლობის 30 პრინციპი. აღნიშნული პრინციპები განსაკუთრებით მნიშვნელოვანია საქართველოს რეალობისთვის. სახელმწიფო ორგანოების წარმომადგენელთა მიერ არაერთხელ იქნა აღიარებული სასამართლო გადაწყვეტილებათა ხელმისაწვდომობასთან დაკავშირებით კანონმდებლობაში არსებული ხარვეზები, თუმცა, ამასთან, ხაზგასმულ იქნა, რომ კანონმდებლობის ცვლილების პროცესში აუცილებელია, დაცული იყოს ბალანსი ამ ორ ინტერესს შორის.

ტრენინგი ადგილობრივი თვითმმართველობის ინდექსის შესახებ



9-11 მარტს ინფორმაციის თავისუფლების განვითარების ინსტიტუტმა (IDFI), კონსულტაციის და ტრენინგის ცენტრმა (CTC) და მმართველობითი სისტემების განვითარების ცენტრმა (MSDC) რეგიონალური ორგანიზაციებისთვის ტრენინგი ჩაატარეს. ტრენინგები ჩატარდა პროექტის - „ღია და ანგარიშვალდებული თვითმმართველობებისათვის - მუნიციპალიტეტებში გამჭვირვალობისა და მოქალაქეთა ჩართულობის ეროვნული შეფასება“- ფარგლებში.

ტრენინგი მიზნად ისახავდა პარტნიორი რეგიონალური ორგანიზაციებისთვის პროექტის ფარგლებში შემუშავებული ადგილობრივი თვითმმართველობის ინდექსის შეფასების მეთოდოლოგიის გაცნობას. მომავალში მათ ამ მეთოდოლოგიით მუნიციპალური ორგანოების გამჭვირვალობა და ანგარიშვალდებულება უნდა შეაფასონ. ტრენინგი გახსნეს CTC-ის დირექტორმა, ირინა ხანტაძემ და ვაკო ნაცვლიშვილმა, ფონდი ღია საზოგადოება საქართველოს ადგილობრივი დემოკრატიის განვითარების პროგრამის კოორდინატორმა. მათ მონაწილეებს გააცნეს პროექტის არსი და

პარტნიორი ორგანიზაციების როლი მის წარმატებით განხორციელებაში. ტრენინგს IDFI-დან უძღვებოდნენ თეონა ტურაშვილი და გოგა თუშურაშვილი, CTC-დან - თამარ ნასყიდაშვილი და MSDC-დან -კოკა კილურაძე.

საქართველოს პრეზიდენტის ზვიად გამსახურდიას წერილი ამერიკის შეერთებული შტატების სახელმწიფო მდივანს ჯეიმს ბეიკერს



IDFI განაგრძობს ამერიკის შეერთებული შტატების (აშშ) საარქივო ფონდებში დაცული და განსაიდუმლოებული დოკუმენტების გამოქვეყნებას და ამჯერად პირველად აქვეყნებს ზვიად გამსახურდიას, 1991 წლის 12 დეკემბრით დათარიღებულ წერილს, რომელიც გაეგზავნა ამერიკის შეერთებული შტატების სახელმწიფო მდივანს ჯეიმს ბეიკერს. ოფიციალური წერილი პასუხია იმ კრიტიკაზე და ბრალდებებზე რომლსაც თეთრი სახლის ადმინისტრაცია გამოთქვამდა პრეზიდენტ გამსახურდიას მიმართ.

ასევე სავარაუდოდ, პრეზიდენტ გამსახურდიას მიმართვა არის პასუხი შეერთებული შტატების იმ საპროტესტო ნოტაზე (დემარშზე), რომელიც 1991 წლის 23 ნოემბერს ჩაბარდა საქართველოს მუდმივ წარმომადგენელს მოსკოვში და სადაც საუბარი იყო

საქართველოში არსებულ დაძაბულ პოლიტიკურ ვითარებაზე (ოპოზიციის ლიდერების დაპატიმრება და საბრძოლო მოქმედებები სამხრეთ ოსეთში).


ადამიანის უფლებები საქართველოში 1991 წელს



გთავაზობთ, მოსკოვში, 1991 წელს, ამერიკის საელჩოდან სახელწიფო დეპარტამენტში გაგზავნილ მოხსენებას ადამიანის უფლებებზე საბჭოთა კავშირში. დოკუმენტი მიმოიხილავს მთლიანად საბჭოთა კავშირში და მის შემავალ რესპუბლიკებში არსებულ პოლიტიკურ ვითარებას და ადამიანის უფლებათა დაცვასთან დაკავშირებულ სიტუაციას.

აგვისტოს პუტჩი და მისი შედეგები, კომუნისტური პარტიის 70 წლიანი მმართველობის დასრულება, ბალტიისპირეთის დამოუკიდებლობა, უდანაშაულო ხალხის დახოცვა რიგასა და ვილნიუსში, და სომხეთ-აზერბაიჯანის კონფლიქტი მხოლოდ მცირე ჩამონათვალია იმ თემებისა, რომელსაც მოხსენება მოიცავს. ამ შემთხვევაში, IDFI საქართველოს შესახებ მოცემულ ინფორმაციაზე გაამახვილებს ყურადღებას.

IDFI-ის რეკომენდაციები საქართველოს ღია პარლამენტის 2017-2018 წლების სამოქმედო გეგმასთან დაკავშირებით



2017 წლის თებერვალში, IDFI-მ საქართველოს პარლამენტს წარუდგინა 2017-2018 წლების სამოქმედო გეგმის შემუშავებასთან დაკავშირებული რეკომენდაციები, რომლებიც შემდეგ საკითხებს მოიცავს:

- კანონპროექტების კომენტარებზე უკუკავშირის მექანიზმის შემუშავება;
- საჯარო ინფორმაციის მოდულის შექმნა და პარლამენტის საქმიანობასთან დაკავშირებით ინფორმაციაზე წვდომის გამარტივება;
- საჯარო ინფორმაციის ანგარიშების მონიტორინგის სისტემის შემუშავება;
- პეტიციის წარდგენის ელექტრონული სისტემის დანერგვა.

IDFI მიიჩნევს, რომ საქართველოს საპარლამენტო ღიაობის 2017-2018 წლების სამოქმედო გეგმაში ამ რეკომენდაციების გათვალისწინება ცალსახად გაზრდის კანონშემოქმედებით პროცესებში მოსახლეობის ჩართულობას, საკანონმდებლო ხელისუფლების გამჭვირვალობას და მის მიმართ მოქალაქეების ნდობას.

რუსეთის რბილი და ხისტი ძალა საქართველოს წინააღმდეგ



რთულია გაიზომოს რუსული პროპაგანდის შედეგი საქართველოში, ან მიაღწია თუ არა მუდმივმა დებინფორმაციულმა გზავნილებმა დასახულ მიზანს. თუმცა ის ფაქტორი, რომ საქართველოში რუსეთი ახორციელებს კომბინირებულ ინფორმაციულ სტრატეგიას ჩვენ საზოგადოებას განსაკუთრებით მონყვლადს ხდის კრემლის ზეგავლენისგან. იმის ფონზე, რომ ხელისუფლებას საკმაოდ მწირი რესურსი აქვს რუსეთის ხისტი ძალის შესაკავებლად, ვფიქრობთ აუცილებელია რუსეთის რბილი ძალასთან უფრო პროაქტიული და მეთოდური შეკავების პოლიტიკის განხორციელება საინფორმაციო ველში. ევროკავშირის ქვეყნებმა უკვე დაიწყეს რუსეთის დებინფორმაციასთან აქტიური დაპირისპირების პროცესი და საქართველომაც უნდა მოახერხოს ყველა რესურსის - უსაფრთხოების სექტორი, პოლიტიკური მოღვაწეები, აღმასრულებელი ხელისუფლება, მედია, არასამთავრობო ორგანიზაციები, აკადემიური წრეები - სრული კონსოლიდაცია რუსეთის პროპაგანდის წინააღმდეგ.

IDFI აშშ-ს სახელმწიფო დეპარტამენტის ადამიანის უფლებათა 2016 წლის ანგარიშში

2012 წლიდან მოყოლებული IDFI ყოველ წელს არის მოხსენიებული აშშ-ს სახელმწიფო დეპარტამენტის ადამიანის უფლებათა ანგარიშში სხვადასხვა კვლევის კონტექსტში. წინა წლების მსგავსად, ანგარიშში მოყვანილია IDFI-ის მონაცემები საჯარო ინფორმაციის ხელმისაწვდომობასთან დაკავშირებით. კერძოდ, საუბარია 2016 წლის ანგარიშზე, რომლის მიხედვით 2016 წელს 294 საჯარო დაწესებულებისთვის გაგზავნილ 7,430 მოთხოვნაზე IDFI-იმ სრულყოფილი პასუხი მიიღო 4, 458 განცხადებაზე, არასრულყოფილი პასუხი - 404 მოთხოვნაზე, უარი - 26 შემთხვევაში, უპასუხოდ დარჩა 1139 მოთხოვნა. ამავე ანგარიშის მიხედვით, საჯარო ინფორმაციის ხელმისაწვდომობის 100%-იანი მაჩვენებელი აჩვენა 55-მა საჯარო დაწესებულებამ, ხოლო ყველაზე დახურულ საჯარო დაწესებულებად დასახელდა მთლიანად იუსტიციის სამინისტროს სისტემა.

ღია მმართველობის პარტნიორობის წევრი სახელმწიფოების მიერ საპარლამენტო ღიაობის ხელშეწყობის მიზნით აღებული ვალდებულებები და კარგი პრაქტიკის მაგალითები



საზგასმით აღვნიშნავთ, რომ მიღებული გადაწყვეტილება აზიანებს საქართველოს სამომავლო დემოკრატიული განვითარების პერსპექტივას, ზღუდავს მედიის თავისუფლებასა და პლურალისტულ მედია გარემოს და საფრთხეს უქმნის ქვეყნის ევროატლანტიკური ინტეგრაციის პროცესს.

არასამთავრობო ორგანიზაციების მიმართვა ადამიანის უფლებათა ევროპულ სასამართლოს

29 არასამთავრობო ორგანიზაციამ ადამიანის უფლებათა ევროპულ სასამართლოს „რუსთავი 2-ის“ საქმესთან დაკავშირებით მიმართა ორგანიზაციებს მიაჩნიათ, რომ ვინაიდან ეროვნულ დონეზე საქმის განხილვას თან ახლდა არაერთი გარემოება, რაც კითხვის ნიშნის ქვეშ აყენებდა სასამართლოს მიუკერძოებლობას ამ საქმეში და ასევე მიაჩნებდა ხელისუფლების დაინტერესებაზე საქმის შედეგით, მნიშვნელოვანია ადამიანის უფლებათა სასამართლომ განიხილოს ტელეკომპანიის საჩივარი, ხოლო საქმეზე საბოლოო გადაწყვეტილების მიღებამდე, გამოიყენოს დროებითი შეჩერების მექანიზმი.

განცხადება საზოგადოებრივ მაუწყებელში მიმდინარე პროცესებთან დაკავშირებით




კოალიცია მედიის ადვოკატირებისათვის მოუწოდებს საზოგადოებრივი მაუწყებლის სამეურვეო საბჭოს და მენეჯმენტს, დაიცვან მაუწყებელში დასაქმებულთა შრომით-სამართლებრივი უფლებები და უზრუნველყონ მაუწყებელში მიმდინარე პროცესების გამჭვირვალობა და დაგეგმილი კონკურსების საჯაროობა.

კოალიციამ ევროპის საბჭოს მინისტრთა კომიტეტს წერილობითი კომუნიკაციით მიმართა



კოალიციამ „დამოუკიდებელი და გამჭვირვალე მართლმსაჯულებისთვის“ წერილობითი კომუნიკაციით მიმართა ევროპის საბჭოს მინისტრთა კომიტეტს. დოკუმენტი მიზნად ისახავს, ე.წ. ღარიბაშვილის ჯგუფის საქმეების აღსრულების მდგომარეობასთან დაკავშირებით, მინისტრთა კომიტეტის ინფორმირებას.

არასამთავრობო ორგანიზაციების განცხადება ოკუპირებულ აფხაზეთში დეფაქტო საპარლამენტო არჩევნების ჩატარებასთან დაკავშირებით



ჩვენ, საქართველოს სამოქალაქო საზოგადოების წარმომადგენლები, შეშფოთებას გამოვთქვამთ ოკუპირებულ აფხაზეთში 12 მარტს დაგეგმილი საპარლამენტო არჩევნების ჩატარებასთან დაკავშირებით და მივიჩნევთ, რომ აღნიშნული არჩევნები უკანონოა, ხოლო მის შედეგებს არ ძალუძს არსებითი ცვლილებები შეიტანოს ლეგიტიმურ პოლიტიკურ სივრცეში როგორც ადგილობრივ, ისე საერთაშორისო დონეზე.

კოალიცია მოუწოდებს
ხელისუფლებას სასამართლო
სისტემის თვისობრივი რეფორმა
დაიწყოს

კოალიციას მიაჩნია, რომ არსებულ ვითარებაში, მნიშვნელოვანია, ხელისუფლებამ აღიაროს ის სისტემური პრობლემები რაც სასამართლო სისტემაში არსებობს, რეალურად დაისახოს მიზნად სასამართლოს დამოუკიდებლობის უზრუნველყოფა და სასამართლოს ძირეული რეფორმა დაიწყოს.

გამსახურდია აგრძელებს მოსკოვთან
დაპირისპირებას



31 მარტი საქართველოს პირველი პრეზიდენტის ზვიად გამსახურდიას დაბადების დღეა. 1991 წლის 31 მარტს ასევე ჩატარდა რეფერენდუმი სახელმწიფოებრივი დამოუკიდებლობის საკითხზე, სადაც საქართველოს მოსახლეობის აბსოლუტურმა უმრავლესობამ დამოუკიდებლობის აღდგენას დაუჭირა მხარი. ამ თარიღთან დაკავშირებით IDFI -მ გამოაქვეყნა 1991 წლის აპრილში, მოსკოვში ამერიკის საელჩოს მიერ სახელმწიფო დეპარტამენტისთვის გაგზავნილი მოხსენება, რომელიც ეხება რუსეთში პოლოფის შეხვედრას საქართველოს პრეზიდენტ ზვიად გამსახურდიასთან.